

2771

CODICES

2772

Concludit:

*Non augentur momento secula,
Non maria tumescunt guttula;
Nec vlla laus addere meritis
Tuis vnquam poterit inclitis,*

*Wlgi tamen modica portio
De te saltem clangere gestio
Viuat viuat orbi perutilis
Cui non fuit inuentus similis.*

Tertiae Partis non nisi Titulus adest in margine: *Tenor.* Pauca superesse putem hujus generis specimina Seculis quatuor anteriora, dolendumque, *Modulos* musicos, quibus Rhythmi hi adstricti fuerint, intercidisse.

XXXVII. fol. 158. *Incipit Responsio facta nuncijs seu Ambassiatoribus Romanorum per sanctissimum patrem et dominum nostrum dominum Clementem diuinâ prouidentia papam sextum in Ciuitate Auinionen. Anno domini M. CCC. XLIII. die XXVII. mens. Jan. quam responsionem ego frater bernardinus de urbeueteri fratrum heremitarum ord. sancti Augustini solum audiendo in publico consistorio supradictum Sanctissimum patrem et dominum nostrum michi pro tunc scribendo collegi et fideliter reportau. Proposuit in christo sanctissimus pater et dominus noster Auctoritatem istam et processit ut inferius ordinatur. E. VI. Vitis Clementis,* quas publicavit Baluzius, ea, quae ordine *Tertia* est, plenius de hoc agit negotio *col.* 286. *Cives Rom.* videlicet XVIII. ablegatos, interque eos Oratorum munere functos *Steph. de Columna, Franc. de Vico et Lellum Petri Stephani de Chofecis;* Papam post duos menses respondisse, et grate quidem, praeterquam ad vi-

sitationem urbis, quo invitabatur, quam multis et coloratis rationibus prolongavit, vel verius denegavit. Quae omnia videre est in *Responsione* nostra, cujus et Autor *Vitae* illius meminit, et *Baluzius* principium excerpfit in *Not. col.* 862. Atque utinam, ut in acceptandis Urbis officiis (*Senatum, Capitaneatum, Consulatam et Defensoratum* vocat *Responsio*) et *Iubileo* ad annum L. restringendo *Romanorum* votis obsecundavit *Clemens*, ita et deserta Patria Sedium suam legitimam accessisset! feliciter, ut opinor, funesta illa Sacerdotium inter et Imperium discordia composita fuisset. Quam varia ceterum, eaque partim *avex-dora* ad ejus *Vitam* et *Acta* contineat hic Codex, vix est, quod moneam.

DCCLIX.

Codex membraneus lat. Sec. 539 XIV. Folior. 207. 4. per duas columnas nitide scriptus, rubricisque enotatus *Sermones* completur *Gilberti, Gisleberti, Guiberti* seu *Wiberti de Tornaco O. M. Theologi Parisini* et Oratoris post medium Sec. XIII. celebris, quibus ipse ita praefatur: *Executis inspirante domino sex partibus secundi tractatus cuius est titulus de*

2773

HOMILETICI.

2774

de conditione doctoris. restat pars septima quam habemus pre manibus difficilior et diffusior quam alie videlicet de doctrina hominis pertinente ad predicatorum secundum experimentum practice. Sed quoniam de dominicalibus et sanctorum festiuitatibus ad pie memorie papam Alexandrum quartum scribentes eius imperio et precepto nos expediuimus. ideo de hiis que pertinent ad diuersa statuum et officiorum genera prout dominus dederit subiungamus et titulo subnectamus. De diuersis statibus et officiis. De preceptis diuinis. de sacramentalibus et misterijs. de penis et gaudijs. Sequitur dein Elenchus Statuum, ut ait, uel officiorum XXXV. quorum cuius duos saltem Sermones per decursum dicat Noster, narratiunculis pro aevi credulitate conspersos et ad mores cognoscendos non inopportunos. Scripti sunt post an. 1261. quo Alexander IV. obiit, editique Lovanii per Job. de Westphalia circa an. 1473. Lugduni 1511. et Parisiis 1513. ut testatur Foppenius

in *Bibl. Belg. P. I. p. 386.* quem una cum *Waddingo* et *Fabricio* de *Gilberto* variisque ejus *Lucubrationibus* adi. Nec te moveat *Oudinus T. III. col. 500.* *Sermones* nostros ab eo ad *Humbertum de Romanis O. P.* transferens. Titulo deceptum fuisse *ΑΥΤΟΨΙΑ* docet. Longe alii sunt *Sermones*, seu breviculae potius *Collationes*, *Humberti ad diuersos Status*, quorum Editio curata a *Pallante Spangelio Prof. Heidelberg. Hagenoae 1509. f.* mihi objacet. *Sermo Humberti* seu *Collatio I.* inscribitur: *Ad omnes Homines*, et incipit: *Omnis homo est exhortandus ut caueat a malo &c.* *Sermo Gilberti I.* autem: *In electione Prelatorum*, et incipit: *Elegi dauid seruum meum &c.* A fol. 171. habentur *Sermones II.* In capitulo ad fratres minores, quorum in *Elencho* praevio nulla mentio. Ordo etiam *Elenchi* in eo peruersus est, quod *Sermones de Sacramentis* eos, qui de *Preceptis diuinis* sunt, praecedant. Ad calcem legitur:

Dextera scriptoris careat grauitate doloris.

Et rubro: *Expliciunt sermones Gyliberti ad status.*

DCCLX.

662 Codex membraneus lat. Sec. partim XIV. partim XV. Folior. 170. 4. per duas columnas exaratus, rubricisque distinctus completur sequentia: I. *Sermones breuiculus duos*, quorum prior inscribitur: *Sermo dominicalis*, et exponit

Lucae C. 7. v. 12. Ecce defunctus efferebatur &c. hoc initio: *Defunctus iste signat animam in peccatis mortuam &c.* Alter de *sancto vdelrico*, in illud: *Benedictio domini super caput iusti. Sap. X.* incipit: *Verba ista possunt (dici) de beato vdelrico qui benedictionem domini promeruit &c.* Plures ejusmodi *Sermones* olim in *Codice* praecessisse, palam